

Generalno tajništvo Vijeća ministara Bosne i Hercegovine, Trg Bosne i Hercegovine broj 1, 71000 Sarajevo, kojeg zastupa generalni tajnik mr. Robert Vidović (u daljem tekstu: Ugovorni organ)

i

Press Clipping d.o.o, Bulevar Desanke Maksimović br.8, 78000 Banja Luka, kojeg zastupa direktor Savić Vladimir, (u daljem tekstu: Ponuđač)

Temeljem ponude ponuđača broj: 2024-023 od 14.10.2024. godine, zaključili su sljedeći::

U G O V O R

o pružanju usluga press clippinga

I – PREDMET I TRAJANJE UGOVORA

Član 1.

Radi bolje preglednosti obavezno je dostavljati odvojeno preglede pisanja, odnosno monitoring dnevne štampe, sedmične štampe, TV i radio stanica i web portala (četiri dokumenta na dnevnoj osnovi u pdf formatu za članke i direktnim linkom za vijesti s portala, odnosno za format mp4 za snimak u naznačenim vremenskim intervalima), uz obavezu direktnog dostavljanja na sve adrese korisnika. Potrebno je isporučivanje usluge putem različitih uređaja i kanala (e-mail ili sms usluga, odnosno mobilna aplikacija za android uređaje), uključujući pravovremeni e-mail ili sms upozorenje/alarm za tekstove koji su negativno konotirani prema ključnim riječima. Svi korisnici usluge trebaju imati pristup web platformi isporučioaca usluga na kojoj će prema vlastitim parametrima dobiti kontinuirani uvid u medijske objave s podacima koji se mogu koristiti za odgovarajuću analizu.

Ključne riječi/teme su:

1. Vijeće ministara BiH/Savjet ministara BiH;
2. Borjana Krišto, predsjedavajuća/predsjedateljica VMBiH /SMBiH
3. Staša Košarac zamjenik predsjedavajućeg/predsjedatelja VMBiH/SMBiH ministar vanjske trgovine i ekonomskih odnosa BiH;
4. Zukan Helez, dopredsjedavajući/zamjenik predsjedavajućeg/predsjedatelja VMBiH/SMBiH, ministar odbrane BiH
5. Ministarstva BiH, uključuju: Ministarstvo vanjskih/spoljnih poslova BiH, ministar Elmedin Konaković/zamjenik ministra Josip Brkić; Ministarstvo financija/finansija i trezora BiH, ministar Srđan Amidžić/zamjenik ministra Muhamed Hasanović; Ministarstvo sigurnosti/bezbjednosti BiH, ministar Nenad Nešić/zamjenik ministra Ivica Bošnjak; Ministarstvo odbrane/obrane BiH, ministar Zukan Helez/zamjenici ministra Slaven Galić/Aleksandar Goganović; Ministarstvo pravde BiH, ministar Davor Bunoza/zamjenik ministra Elvir Mahmuzić; Ministarstvo vanjske/spoljne trgovine i ekonomskih odnosa BiH, ministar Staša Košarac/ zamjenica ministra Ljiljana Lovrić; Ministarstvo komunikacije i prometa/transporta BiH, ministar Edin Forto/zamjenik ministra Ognjen Janjić;

Ministarstvo za ljudska prava i izbjeglice BiH, ministar Sevlid Hurtić/zamjenica ministra Duška Jurišić; Ministarstvo civilnih poslova BiH, ministrica/ministarka Dubravka Bošnjak/zamjenica ministra Marijana Mojić.

6. Evropske/Europske/EU integracije BiH, evropski put BiH;
7. Evroatlantske/euroatlantske integracije/ NATO u BiH;
8. Generalni sekretarijat/tajništvo Vijeća/Savjeta ministara BiH,
9. Institucije BiH/Zajedničke institucije BiH;
10. Zapadni Balkan (u kontekstu BiH/ regionalna saradnja/ suradnja;
11. Dejtonski/Daytonski sporazum/ Opći/opšti okvirni sporazum za mir u BiH,
12. Plan rasta za Zapadni Balkan.

Zadržavamo pravo izmjene, dodavanja ili izbacivanja ključnih riječi koje se odnose na izmjene ili pojašnjenja određene ključne riječi/teme radi naprednije pretrage.

(1) PREGLED PISANJA DNEVNE ŠTAMPE KOJA SE DISTRIBUIRA U SARAJEVU:

Dnevni avaz, Oslobođenje, Glas Srpske, Nezavisne novine, Dnevni list, Večernji list, Euroblic, Večernje novosti – RS. Pregled pisanja štampe dostaviti do 8.00 sati.

(2) PREGLED PISANJA PERIODIČNE ŠTAMPE: Start BiH, Business magazine BiH. Pregled pisanja dostaviti isti dan po izlasku magazina.

(3) MONITORING TV I RADIO STANICA:

Elektronski mediji TV I RADIO STANICE

TV Stanica	Emisija	Vrijeme emitovanja
Al Jazzera Balkans	Dnevnik	18:00
ATV	Vijesti	19.00
BHRT	Dnevnik 2	19.00
BHRT	Dnevnik 3	22.00
BHRT	Euroimpuls	20.15
BHRT	Jedan	Po potrebi ¹
FACE TV	TV Dnevnik/Centralni dnevnik	19.00/18:45
FTV	Federacija danas	17.00
FTV	Dnevnik 2	19.30
FTV	Dnevnik 3	22.30 +
FTV	Odgovorite ljudima	20:10

¹ Oznaka po potrebi, uključuje praćenje sadržaja u kojem gostuje član Vijeća ministara BiH prema ključnoj riječi

FTV	Plenum	20.10
FTV	Dnevnik D	Po potrebi
FTV	Mreža	20.10
N1	Dnevnik	19.00
N1	Dnevnik	22.00
NTV Hayat	Vijesti u 7	18.50
NTV Hayat	Emisija „7plus“	19.13
RTRS	Dnevnik 1	12.00
RTRS	Dnevnik 2	19.30
RTRS	Dnevnik 3	22.00 +
RTRS	EU i mi	16.20
RTRS	Pečat	21.10
RTRS	Telering	21.10
Nova BiH	Dnevnik	18:30
BN TV	TV Dnevnik 2	19:30
BH Radio 1	Central News	16.30
Radio FBiH	Vijesti	17.00
Radio RS	Dnevnik	16.00
RTV HB	Dnevnik	19:30
Radio Slobodna Evropa	Program za BiH	15:00

Monitoring elektronskih medija dostaviti do 8.00 sati.

(4) PREGLED PISANJA WEB PORTALA:

Pregled web portala dostavljati dvokratno, do 08.00 i oko 15.00 sati.

Napomena: *Ostavljamo otvorenom mogućnost da dodamo ili izbacimo, odnosno zamijenimo neke od navedenih medija.*

Član 2.

Ovaj Ugovor se zaključuje na period od godinu dana, sa početkom primjene od **01.01.2025.** godine.

II – OBAVEZE UGOVORNOG ORGANA

Član 3.

Ugovorni organ se obavezuje da će nakon potpisivanja ovog Ugovora dostaviti u pismenoj formi narudžbu za pružanje usluga koje su predmet Ugovora, koji će uključivati i rok za dostavu usluga iz člana 1. ovog Ugovora, spisak svih mail adresa na koje će se dostavljati clipping, kao i spisak tema i ključnih riječi.

III - OBAVEZE PONUĐAČA

Član 4.

(1) Ponuđač se obavezuje izvršiti svu potrebnu pripremu za pružanje usluga odmah po potpisivanju ovog Ugovora, izvršavati sve usluge utvrđene ovim Ugovorom, te redovno izvještavati Ugovornog organa o toku pripreme, dinamici i finalnom dijelu pružanja ugovorenih usluga.

(2) Ponuđač usluga će na zahtjev Ugovornog organa omogućiti pristup usluzi press clippinga svim korisnicima usluga uz prethodno dostavljene adrese elektroničke pošte ili putem sms poruka, ukoliko to zatraži Ugovorni organ uz prethodnu dostavu brojeva telefona od strane korisnika usluga.

(3) Ponuđač press clippinga omogućit će svim korisnicima usluge pristup svojoj web platformi.

(4) Ugovorni organ može od ponuđača zatražiti praćenje određene teme u stvarnom vremenu za određene ključne riječi ili teme, što je stvar dogovora između ponuđača i ugovornog organa.

IV - ROK DOSTAVE USLUGE

Član 5.

Ugovorne strane su suglasne da je rok za dostavu usluge press clippinga na dnevnoj bazi: pregled pisanja dnevne štampe koja se distribuira u Sarajevu dostaviti do 8.00 sati, pregled pisanja periodične štampe dostaviti po mogućnosti (nakon izlaska novina), monitoring tv i radio stanica dostaviti do 8.00 sati i pregled pisanja web portala dostavljati dvokratno, u 08.00 i 15.00 sati, ukoliko se ugovorene strane drugačije ne dogovore.

V - VRIJEDNOST USLUGE

Član 6.

(1) Cijena mjesečne naknade za korištenje usluga press clippinga iz člana 1. ovog ugovora sa PDV-om iznosi 408,33KM.

(2) Vrijednost ugovorene usluge za ugovoreni period iznosi: 4.188,00KM bez PDV-a odnosno 4.899,96KM (četirihiljadeosamstotinadevedesetidevet i 96/100KM) sa PDV-om.

(3) Vrijednost ugovorene usluge je fiksna i ne može se mijenjati za vrijeme trajanja ovog Ugovora.

VI - ROK PLAĆANJA

Član 7.

Ponuđač se obavezuje na kraju svakog mjeseca ispostaviti račun za izvršene usluge na adresu Ugovornog organa za izvršene usluge, a Ugovorni organ se obavezuje isti platiti u roku od 20 (dvadeset) dana od dana dostave.

VII - RASKID UGOVORA

Član 8.

U slučaju neizvršavanja obaveza od strane Ponuđača ili Ugovornog organa, ugovorne strane su saglasne da se Ugovor može raskinuti pismenim putem, uz otkazni rok koji ne može trajati duže od 15 dana od dana prijema pismenog zahtjeva za raskid.

VIII - ZAVRŠNE ODREDBE

Član 9.

(1) Ugovorni organ i Ponuđač sporazumni su da se eventualni sporovi koji proisteknu iz ovog Ugovora prvenstveno rješavaju međusobnim dogovorom.

(2) Ukoliko se spor ne riješi dogovorom, Obje ugovorne strane sporazumno prihvaćaju odluke nadležnog suda u Sarajevu.

Član 10.

(1) Ovaj Ugovor stupa na snagu danom potpisivanja ugovorih strana.

(2) Ovaj Ugovor sastavljen je u 4 (četiri) jednaka primjerka, od kojih svaki ugovorna strana zadržava po 2 (dva) primjerka.

PONUĐAČ

Press Clipping d.o.o.

Broj: A-24

Banja Luka, 11.10.2024. god.



UGOVORNI ORGAN

GENERALNO TAJNIŠTVO
VJEĆA MINISTARA BIH

Broj: 06-16-3-2155-1/24

Sarajevo, 29.10.2024. god.

